

彊邛叢書



石湖詞目錄

滿江紅 四

千秋歲

浣溪沙 七

朝中措 五

蝶戀花

南柯子 三

水調歌頭 二

西江月 二

鵲橋仙

宜男草 二

秦樓月 五

念奴嬌 五

惜分飛

夢玉人引 二

如夢令 二

菩薩蠻 三

臨江仙 二

減字木蘭花 五

鷓鴣天 四

好事近 二

卜算子二

三登樂四

浪淘沙

虞美人四

醉落魄

補遺

醉落魄

朝中措

眼兒媚

霜天曉角

惜分飛

菩薩蠻

滿江紅

謁金門

秦樓月

玉樓春

醉落魄

玉樓春

菩薩蠻

水龍吟

醉江月

霜天曉角

醉落魄

法駕導引

石湖詞

吳郡 范成大 致能

滿江紅冬至

寒谷春生薰叶氣玉筩吹穀新陽後便占新歲吉雲清
穆休把心情關藥裹但逢節序添詩軸笑強顏風物豈
非癡終非俗 清晝永佳眠熟門外事何時足且團圓
同社笑歌相屬著意調停雲露釀從頭檢舉梅花曲縱
不能將醉作生涯休拘束

又

竹裏行廚來問訊諸侯賓老春滿座彈絲未徧揮毫先
了雲避仁風收雨腳日隨和氣薰林表向尊前來訪白

髯翁衰何早 志千里功名兆
光萬丈文章耀 洗冰壺
胸次月秋霜 曉應念一堂
塵網暗 故將百和香
雲繞算賞 心情話古來
多如今少

又雨後攜家遊西湖荷花盛開

柳外輕雷催幾陣 雨絲飛急
雷雨過半川 荷氣粉融香
浥弄蕊攀條 春一笑從教
水濺羅衣溼 打梁州 簫鼓浪
花中跳魚立 山倒影雲千
疊 橫浩蕩舟如葉 有采菱
清些桃根雙楫 忘卻天涯
漂泊地 尊前不放閒愁入
任碧筩十丈捲金波 長鯨吸

又

罨畫溪山行欲徧 風蒲還舉
天漸遠 水雲初靜 柁樓人

語月色波光看不定玉虹橫臥金鱗舞算五湖今夜只
扁舟追千古懷往事漁樵侶曾共醉松江渚算今年
依舊一杯滄浦宇宙此身元是客不須悵望家何許但
中秋時節好溪山皆吾土

千秋歲重到桃花塢

北城南埭玉水方流匯青樾裏紅塵外萬桃春不老雙
竹寒相對回首處滿城明月曾同載分散西園蓋消
滅東陽帶人事改花源在神仙雖可學功行無過醉新
酒好就船況有魚堪買

浣溪沙

燭下海棠

傾坐東風百媚生萬紅無語笑逢迎照妝醒睡蠟煙輕

采竦橫斜春不夜絳霞濃淡月微明夢中重到錦官

城

又

催下珠簾護綺叢花枝紅裏燭枝紅燭光花影夜蔥蘢
錦地繡天香霧裏珠星璧月采雲中人閒別有幾春

風

又新安驛席上留別

送盡殘春更出遊風前蹤迹似沙鷗淺斟低唱小淹留
月見西樓清夜醉雨添南浦綠波愁有人無計戀行

舟

又

歛浦錢塘一水通閒雲如幕碧重重吳山應在碧雲東
無力海棠風淡蕩半眠官柳日蔥龍眼前春色爲誰
濃

又元夕後三日王文明席上

寶髻雙雙出綺叢妝光梅影各春風收燈時候卻相逢
魚子牋中詞宛轉龍香撥上語玲瓏明朝車馬莫西

東

又

紅錦障泥杏葉羈解鞍呼渡憶當年馬驕不肯上航船
茅店竹籬開席市絳裙青袂斲薑田臨平風物故依

然

又

白玉堂前綠綺疏，燭殘歌罷困相扶。
問人春思肯濃無？
夢裏粉香浮枕簟，覺來煙月滿琴書。
箇儂情分更何

如

朝中措 丙午立春大雪是歲十二月九日丑時立春

東風半夜度關山，和雪到闌干。
怪見梅梢未暖，情知柳眼猶寒。
青絲菜甲，銀泥餅餌，隨分杯盤。
已把宜春鏤勝，更將長命題旛。

又

身閒身健是生涯，何況好年華。
看了十分秋月，重陽更插黃花。
消磨景物，瓦盆社釀，石鼎山茶。
飽喫紅蓮香

飯儂家便是仙家

又

繫船沽酒碧帘坊酒滿勝鵝黃醉後西園入夢東風柳
色花香水浮天處夕陽如錦恰似鱸鄉中有憶人雙
淚幾時流到橫塘

又

海棠如雪殿春餘禽哢晚晴初倦客長慚杜宇佳辰且
醉提壺逍遙放浪還他漁子輪與樵夫一棹何時歸
去扁舟終要江湖

又

天容雲意寫秋光木葉半青黃珍重西風祛暑輕衫早

怯秋涼 故人情分留連病客孤負清觴陌上千愁易
散尊前一笑難忘

蝶戀花

春漲一篙添水面芳草鵝兒綠滿微風岸畫舫夷猶灣
百轉橫塘塔近依前遠 江國多寒農事晚村北村南
穀雨纔耕徧秀麥連岡桑葉賤看看嘗麩收新繭

南柯子

槁項詩餘瘦愁腸酒後柔晚涼團扇欲知秋臥看明河
銀影界天流 鶴警人初靜蟲吟夜更幽佳辰祇合算
花籌除了一天風月更何求

又

悵望梅花驛凝情杜若洲香雲低處有高樓可惜高樓
不近木蘭舟緘素雙魚遠題紅片葉秋欲憑江水寄
離愁江已東流那肯更西流

又七夕

銀渚盈盈渡金風緩緩吹晚香浮動五雲飛月姊妒人
顰畫一彎眉短夜難留處斜河欲淡時半愁半喜是
佳期一度相逢添得兩相思

水調歌頭

細數十年事十處過中秋今年新夢忽到黃鶴舊山頭
老子箇中不淺此會天教重見今古一南樓星漢淡無
色玉鏡獨空浮斂秦煙收楚霧熨江流關河離合南

北依舊照清愁想見姮娥冷眼應笑歸來霜鬢空敝黑
貂裘醺酒問蟾兔肯去伴滄洲

又燕山九日作

萬里漢家使雙節照清秋舊京行徧中夜呼禹濟黃流
寥落桑榆西北無限太行紫翠相伴過盧溝歲晚客多
病風露冷貂裘對重九須爛醉莫牽愁黃花爲我一
笑不管鬢霜羞袖裏天書咫尺眼底關河百二歌罷此
生浮惟有平安信隨鴈到南州

西江月

十月誰云春小一年兩見紅嬌人閒霜葉滿庭皋別有
東風不老百媚朝天淡粉六銖步月生綃雲英寂寞

倚藍橋誰伴玉京霜曉

又

北客開眉樂歲東君著意華年遮風藏雨晚雲天應怕
杏梢紅淺不惜燈前放夜從教雪後留寒水晶簾箔
萬花鈿聽徹南樓曉箭

鵲橋仙

七夕

雙星良夜耕慵織嬾應被羣仙相妒娟娟月姊滿眉顰
更無柰風姨吹雨相逢草草爭如休見重攪別離心
緒新歡不抵舊愁多倒添了新愁歸去

宜男草

籬菊灘蘆被霜後嫋長風萬重高柳天爲誰展盡湖光

渺渺應爲我扁舟入手
橘中曾醉洞庭酒
輾雲濤挂帆南斗
追舊遊不減商山
杳杳猶有人能相記否

又

舍北煙霏舍南浪雪
傾籬雨荒薇漲問小橋別後誰過
惟有迷鳥羈雌來往
重尋山水問無恙
掃柴荆土花塵網留小桃先試光風從此
芝草琅玕日長

秦樓月

窗紗薄日穿紅幔
催梳掠
梳掠新晴天氣
畫檐聞鶻海棠逗曉都開卻
小雲先在闌干角
闌干角楊花滿地夜來風惡

又

珠簾狹卷簾春院花園合花園合畫長人靜雙雙胡蝶
花前苦澹金蕉葉萼騰午睡扶頭怯扶頭怯閒愁無
限遠山斜疊

又

香羅薄帶圍寬盡無人覺無人覺東風日暮一簾花落
西園空鎖鞦韆索簾垂簾卷閒池閣閒池閣黃昏香
火畫樓吹角

又

樓陰缺闌干影臥東廂月東廂月一天風露杏花如雪
隔煙催漏金蚪咽羅幃暗淡燈花結燈花結片時春
夢江南天闊

又

浮雲集輕雷隱隱初驚蟄初驚蟄鶉鳴怒綠楊風急
玉鑪煙重香羅浥拂牆濃杏燕支溼燕支溼花梢缺
處畫樓人立

念奴嬌

雙峰疊障過天風海雨無邊空碧月姊年年應好在玉
闕瓊宮愁寂誰喚癡雲一杯未盡夜氣寒無色碧城凝
望高樓縹緲西北腸斷桂冷蟾孤佳期如夢又把闌
干拍霧鬢風鬟相借問浮世幾回今夕圓缺晴陰古今
同恨我更長爲客嬋娟明夜尊前誰念南陌

又

十年舊事醉京花，蜀酒萬葩千萼。一棹歸來吳下，看俯仰心情。今昨強倚雕闌，羞簪雪鬢。老恐花枝覺，揩摩愁眼霧中相對，依約聞道家讌。團圓光風轉，夜月傍西樓。落打徹梁州春自遠，不飲何時歡樂。沾惹天香留連國豔，莫散燈前酌。襪塵生處爲君重賦河洛。

又

吳波浮動看中流，翻月半江金碧。醉舞空明三萬頃，不管姮娥愁寂。指點瓊樓，憑虛有路，鯨背橫東極。水雲飄蕩，闌干千丈無力。家世回首滄洲，煙波漁釣，有鷗夷仙迹。一笑閒身遊物外，來訪扁舟消息。天上今宵人閒此地，我是風前客。濤生殘夜，魚龍驚聽橫笛。

又
水鄉霜落望西山一寸脩眉橫碧南浦潮生帆影去日
落天青江白萬里浮雲被風吹散又被風吹積尊前歌
罷滿空疑淡寒色 人世會少離多都來名利似蠅頭
蟬翼贏得長亭車馬路千古羈愁如織我輩情鍾恩
相見一笑眞難得明年誰健夢魂飄蕩南北

又和徐尉遊石湖

湖山如畫繫孤篷柳岸莫驚魚鳥料峭春寒花未徧先
共疏梅索笑一夢三年松風依舊蘿月何曾老鄰家相
問這回眞箇歸到 綠鬢新點吳霜尊前強健不怕衰
翁號賴有風流車馬客來覓香雲花鳥似我麤豪不通

姓字只要銀瓶倒奔名逐利亂帆誰在天表

惜分飛

易散浮雲難再聚遮莫相隨百步誰喚行人去石湖煙
浪漁樵侶重別西樓腸斷否多少淒風苦雨休夢江
南路路長夢短無尋處

夢玉人引

送行人去猶追路再相覓天末交情長是合堂同席從
此尊前便頓然少箇江南羈客不忍怱怱少駐船梅驛
酒斟雖滿尙少如別淚萬千滴欲語吞聲結心相對
嗚咽燈火淒清笙歌無顏色從別後儘相忘算也難忘
今夕

又

共登臨處飄然袂倚空碧雨卷雲飛長有桂娥看客簫
鼓生春徧錦城如畫雪山無色一夢纔成況天涯南北
舞餘歌罷料宣華回首盡陳迹萬里秦吳有情應問
消息我欲歸耕如何重來得故人若望江南且折梅花
相憶

如夢令

罨畫屏中客住水色山光無數斜日滿江聲何處撐來
小渡休去休去驚散一洲鷗鷺

又

兩兩鶯啼何許尋徧綠陰濃處天氣潤羅衣病起卻忤

微暑休雨休雨明日榴花端午

菩薩蠻

小軒今日開窗了
揉藍染碧緣堦草
檐佩可憐風杏梢
煙雨紅
飄零歡事少
鬢點吳霜早
天色不愁人眼前
無限春

又元夕立春

雪林一夜收寒了
東風恰向燈前到
今夕是何年
新春
新月圓
綺叢香霧隔
猶記疏狂客
留取縷金旛
夜娥
相並看

又

黃梅時節春蕭索
越羅香潤吳紗薄
絲雨日朧明
柳梢

紅未晴 多愁多病後不識曾中酒愁病送春歸恰如
中酒時

臨江仙

羽扇綸巾風颯颯東廂月到薔薇新聲誰喚出羅幃龍
鬚將笛繞鴈字入箏飛 陶寫中年須箇裏留連月扇
雲衣周郎去後賞音稀爲君持酒聽那肯帶春歸

又

萬事灰心猶薄宦塵埃未免勞形故人相見似河清恰
逢梅柳動高興逐春生 卜晝恩恩還卜夜仍須月墮
河傾明年我去白鷗盟金闈三玉樹好問紫霄程
減字木蘭花

玉煙浮動銀闕三山連海凍翠袖闌干不怕樓高酒力
寒雙松凍折忽憶衰翁容易別想見鷗邊壓損年時
小釣船

又

折殘金菊橙子香時新酒熟誰伴芳尊先問梅花借小
春道人破戒染酒題詩金鳳帶愁病相關不似年時
酒量寬

又

波嬌鬢嫋中隱堂前人意好不柰春何拚卻輕寒透薄
羅翦梅新曲欲斷還聯三疊促圍坐風流饒我尊前
第一籌

又

枕書睡熟珍重月明相伴宿寶鴨金寒香滿圍屏宛轉
山雞人聲杳瑤井玉繩相對曉黯淡窗紗卻下風簾
護燭花

又

臘前三白春到西園還見雪紅紫花遲借作東風萬玉
枝歸田計決麥飯熟時應快活身在高樓心在山陰
一葉舟

鷓鴣天

休舞銀貂小契丹滿堂賓客盡關山從今嫋嫋盈盈處
誰復端端正正看模淚易寫愁難瀟湘江上竹枝斑

碧雲日暮無書寄
寥落煙中一鴈寒

又

蕩漾西湖采綠蘋
揚鞭南埭滾紅塵
桃花暖日茸茸笑
楊柳光風淺淺顰
章貢水鬱孤雲
多情爭似桂江春
崔徽卷軸瑤姬夢
縱有相逢不是真

又

嫩綠重重看得成
曲闌幽檻小紅英
醪釀架上蜂兒鬧
楊柳行閒燕子輕
春晚晚客飄零
殘花淺酒片時清
一杯且買明朝事
送了斜陽月又生

又雪梅

壓蕊拈鬢粉作團
疏香辛苦顫朝寒
須知風月尋常見

不似層層帶雪看
春髻重曉眉彎
一枝斜並縷金旛
酒紅不解東風凍
驚怪釵頭玉燕乾

好事近

雲幕暗千山
腸斷玉樓金闕
應是高唐小婦
妒姮娥清
絕
夜涼不放酒杯寒
醉眼漸生纈
何待桂華相照有
人人如月

又

昨夜報春來的
樂嶺梅開雪攜手
玉人同賞比看誰奇
絕
闌干倚徧憶多情
怕角聲嗚咽
與折一枝斜戴襯
鬢雲梳月

卜算子

涼夜竹堂虛小睡
怱怱醒銀漏無聲
月上堦滿地闌干
影何處最知秋風
在梧桐井不惜駿
鸞弄玉簫露溼
衣裳冷

又

雲壓小橋深月到
重門靜冷蕊疏枝
半不禁更著橫窗
影回首故園春往
事難重省半夜清
香入夢來從此
熏鑪冷

三登樂

一碧鱗鱗橫萬里
天垂吳楚四無人
鶻聲自語向浮雲
西下處水村煙樹
何處繫船暮濤漲
浦正江南搖落
後好山無數儘乘
流興來便去對青
燈獨自歎一生羈

旅敲枕夢寒又還夜雨

又

路轉橫塘風卷地水肥帆飽眼雙明曠懷浩渺問菟裘
無恙否天教重到木落霧收故山更好過溪門休蕩
槳恐驚魚鳥算年來識翁者少喜山林蹤迹在何曾如
掃歸鬢任霜醉紅未老

又

今夕何期披岫幌雲關重啟引冰壺素空似洗卷簾中
敲枕上月星浮水天鏡夜明半窗萬里盼庭柯都老
大樹猶如此六年前轉頭未幾喚鄰翁來話舊同筍新
蟻秉燭夜闌又疑夢裏

又

方帽衝寒重檢校舊時農圃荒三徑不知何許但姑蘇
臺下有蒼然平楚人笑此翁又來訪古 況五湖元自
有扁舟祖武記滄洲白鷗伴侶歎年來孤負了一蓑煙
雨寂寞暮潮喚回棹去

浪淘沙

黯淡養花天小雨能慳煙輕雲薄有無閒官柳絲絲都
綠徧猶有春寒 空翠溼征鞍馬首千山多情若是肯
俱還別有玉杯承露冷留共君看

自注玉杯官舍
中牡丹絕品也

虞美人 寄人覓梅

霜餘好探梅消息日日溪橋側不如君有似梅人歌裏

工顰妍笑兩眉春
疏枝冷蕊風情少
卻稱衰翁老
從教來作靜中鄰
冷淡無言無笑也
無顰

又

落梅時節冰輪滿
何似中秋看瓊樓
玉宇一般明
只爲姮娥添了萬枝燈
錦江城下杯殘後
還照鄞江酒
天東相見說天西
除卻衰翁和月更誰知

又

玉簫驚報同雲重
仍怪金瓶凍
清明將近雪花翻
不道海棠消瘦
柳絲寒
王孫沈醉
狻氈幕誰怕
羅衣薄
燭燈香霧兩厭厭
髣髴有人愁
損上眉尖

又紅木犀

誰將擊碎珊瑚玉裝上交枝粟恰如嬌小萬瓊妃塗罷
額黃嫌怕污燕支夜深未覺清香絕風露溶溶月滿
身花影弄淒涼無限月和風露一齊香

醉落魄

元夕

春城勝絕暮林風舞催花發垂雲卷盡添空闊吹上新
年美滿十分月紅蕖影下句絲抹老來牽強隨時節
無人知道心情別惟有蛾兒驚見鬢邊雪

石湖詞補遺

醉落魄

棲烏飛絕絳河綠
霧星明滅燒香曳簾
眠清樾花影吹
笙滿地淡黃月
好風碎竹聲如雪
昭華三弄臨風咽
鬢絲撩亂綸巾折
涼滿北窗休共軟紅說

朝中措

長年心事寄林扃
塵鬢已星星
芳意不如水遠
歸心欲與雲平
留連一醉花殘日
永雨後山明
從此量船載酒
莫教閒卻春情

眼兒媚萍鄉道中乍晴臥輿中困甚小憩柳塘

酣酣日腳紫煙浮
妍暖試輕裘
困人天氣醉人花底
午

夢扶頭 春慵恰似春塘水 一片縠紋愁 溶溶洩洩東
風無力欲皺還休

霜天曉角梅

晚晴風歇 一夜春威折 脈脈花疏天淡雲來去 數枝雪

勝絕愁亦絕 此情誰共說 惟有兩行低鴈 知人倚畫

樓月

以上四闋見絕妙好詞

惜分飛 南浦舟中與江西帥漕酌別夜後忽大雪

畫戟錦車皆雅故 簫鼓留連客住 南浦春波暮 難忘羅

襪生塵處 明日船旗應不駐 且唱斷腸新句 卷盡珠

簾雨雪花一夜隨人去

菩薩蠻 湘東驛

客行忽到湘東驛明朝真是瀟湘客晴碧萬重雲幾時
逢故人 江南如塞北別後書難得先自鴈來稀那堪
春半時

滿江紅清江風帆甚快作此與客劇飲歌之

千古東流聲卷地雲濤如屋橫浩渺檣竿十丈不勝帆
腹夜雨翻江春浦漲船頭鼓急風初熟似當年呼禹亂
黃川飛梭速 擊楫誓空驚俗休拊髀都生肉任炎天
冰海一杯相屬荻筍萋芽新入饌鶻絃鳳吹能翻曲笑
人閒何處似尊前添銀燭

謁金門宜春道中野塘春水可喜有懷舊隱

塘水碧仍帶麴塵顏色泥泥殼紋無氣力東風如愛惜

恰似越來溪側也有一雙鸚鵡只欠柳絲千百尺繫
船春弄笛

秦樓月寒食日湖南提舉胡元高家席上聞琴

湘江碧故人同作湘中客湘中客東風回鴈杏花寒食
温温月到藍橋側醒心絃裏春無極春無極明朝殘
夢馬嘶南陌

以上五闋見花菴絕妙詞選

玉樓春梅花

佳人無對甘幽獨竹雨松風相澡浴山深翠袖自生寒
夜久玉肌元不粟卻尋千樹煙江曲道骨仙風終絕
俗絳裙縞袂各朝元只有散仙名萼綠

醉落魄海棠

馬蹄塵撲春風得意笙歌逐款門不問誰家竹只揀紅
妝高處燒銀燭碧雞坊裏花如屋燕王宮下花成谷
不須悔唱關山曲只爲海棠也合來西蜀

玉樓春

牡丹

雲橫水繞芳塵陌一萬重花春拍拍藍橋仙路不崎嶇
醉舞狂歌容倦客眞香解語人傾國知是紫雲誰敢
覓滿蹊桃李不能言分付仙家君莫惜

菩薩蠻

木芙蓉

冰明玉潤天然色淒涼拚作西風客不肯嫁東風殷勤
霜露中綠窗梳洗晚笑把玻璃瓊斜日上妝臺酒紅
和困來

以上四闕見全芳備祖

水龍吟壽留寺

仙翁家在叢霄五雲八景來塵表黃扉紫闥化鈞高妙
風霆揮掃漠北寒煙嶠南和氣笑談都了自玉麟歸去
金牛再款卻回首人閒少天與丹臺舊籍笑蒼生祝
公難老春葩秋葉暄寒易變壺天長好物外新聞鳳歌
鸞翥龍蟠虎繞想知心高會寒霜夜永儘橫參曉

右一
闕見翰墨全書

醉江月嚴子陵釣臺

浮生有幾歎歡娛常少憂愁相屬富貴功名皆由命何
必區區僕僕燕蝠塵中雞蟲影裏見了還追逐山閒林
下幾人眞箇幽獨誰似當日嚴君故人龍衮獨抱羊

裘宿試把漁竿都掉了百種千般拘束兩岸煙林半溪
山影此處無榮辱荒臺遺像至今嗟詠不足

右一闕見

花草粹編

醉落魄

雪晴風作松梢片片輕鷗落玉樓天半寒珠箔一笛梅
花吹裂凍雲暮去年小獵灘山腳弓刀溼徧猶橫槊
今年翻怕貂裘薄寒似去年人比去年覺

霜天曉角

少年豪縱袍錦團花鳳曾是京城遊子馳寶馬飛金鞵
舊遊渾似夢鬢點吳霜重多少燕情鶯意都瀉入玻

瓊壺

以上二闕見陽春白雪

法駕導引步虛詞

琳霄境卻似化人宮
梵炁彌羅融萬象
玉樓十二倚晴空
一片寶光中

又

浮黎路依約太微閒
雪色寶階千萬丈
人閒遙作白虹看
幢節度高寒

又

剛風起背負玉虛廷
九素煙光寒一色
扶闌四面是青冥
環拱萬珠星

又

流鈴響龍馭籛雲來
夾道擎華籠綵仗
紅雲扶輅輾天

街迎駕鶴毳毼

又

鈞天奏流韻滿空明琪樹玲瓏珠網碎仙風吹作步虛聲相和八鸞鳴

又

樓闌外輦道插非煙閒上鬱蕭臺上看空歌來自始青天揚袂揖飛仙

以上六闕見蘆浦筆記

天機不可洩也

夫天機者天之所授也

聖人得之而後能為也

又

教訓以化民也

夫教訓者聖人之所由也

又

禮樂以節民也

夫禮樂者聖人之所由也

石湖詞校記

浣溪沙一錦官城 鮑本官作宮

又四官柳 鮑本官作宮

朝中措一鏤勝 鮑本鏤作縷

又四禽哢 鮑本哢作弄

水調歌頭二盧溝 鮑本盧作蘆

西江月二 鮑本上結注云一作雲英此夕度藍橋人

意花枝都好下結注云一作人間霜葉滿庭皋別有

東風不老按陳三聘和詞第三四七八句用饒好高

老四韻竝不盡合

宜男草二雪傾籬 鮑本雪作雲

減字木蘭花 玉繩 鮑本繩作人

鷓鴣天 卷軸 鮑本軸作袖

三登樂 四暮潮 鮑本作潮暮

虞美人 夜深 鮑本夜作日

法駕導引 按是調首句宜疊疑蘆浦筆記誤脫

右石湖詞一卷附補遺半塘翁手校知不足齋本乙

巳夏閒寄余粵東翁旋歸道山以未詳所據久度匿

衍去年吳伯宛以鮑淥飲原鈔本見示其誤與刊本

同覆檢翁校精審無可疑豈出舊本耶遂付劄氏以

補四印齋叢刻之所未逮云原鈔詞後有小齊雲江

立跋首闕滿江紅詞亦江氏手錄補遺僅九闕刊本

玉樓春以下八闋殆淥飲輯也宋劉昌詩蘆浦筆記
載白玉樓賦道君皇帝親灑宸翰於圖後石湖跋有
法駕導引步虛詞六章原跋云自玉階及紅雲法駕
之後以至六小樓意趣超絕
形容高妙必夢游帝所者彷彿得之非世間俗史意
匠可到晴窗淨几盡卷展玩恍然便覺身在九霄三
景之上簡齋集有水府法駕導引曲乃倚其體作步
虛詞六章羽人有不俗者使歌之風清月明之下雖
未得仙亦足以豪矣今併附卷尾癸丑上巳歸安朱孝臧跋於
無著庵

愛日精廬藏書志云滿江紅第二闋脫始生之日臣
宗卿使君攜具來爲壽坐中賦詞次韻謝之二十二
字按宗卿滿江紅壽石湖詞正同其韻又云三聘和
醉落魄元夕詞欲知此夜碧天闊下脫一葉據目錄

石核
二
尙有醉落魄唱和兩闕
兒媚唱和兩闕
末葉何人
爲我丁寧驛使來到江干
蓋眼兒媚和詞尾句據此
知石湖與陳夢弼詞唱和相閒
原編爲一卷補遺眼
兒媚非夢弼韻所輯殆尙未盡也
癸丑四月朔上彊
邨人再記

石湖詞校記二

滿江紅二題 情話 毛鈔題同愛日精廬藏書志情

作清

南柯子三 顰畫 毛鈔畫作盡

水調歌頭二 莫牽愁 毛鈔牽作牢

西江月一 上下結竝同鮑注

秦樓月三 日穿紅幔 毛鈔作日紅穿幔

又二 春院 毛鈔春作西

念奴嬌二 春自遠 毛鈔遠作透

夢玉人引一 從別後 毛鈔從作縱

又二 飄然袂 況天涯 毛鈔然作風況作恍

菩薩蠻 二夜娥 毛鈔娥作蛾

鷓鴣天 三且買 毛鈔買作置

松江韓氏讀有用書齋藏毛子晉鈔本石湖詞曹君直校舉若干條取其可從者記而刊之孝臧

和石湖詞目錄

滿江紅

四

千秋歲

浣溪沙

七

朝中措

五

蝶戀花

南柯子

三

水調歌頭

二

西江月

二

鵲橋仙

宜男草

二

秦樓月

五

念奴嬌

五

惜分飛

夢玉人引

二

如夢令

二

菩薩蠻

三

臨江仙

二

減字木蘭花

五

鷓鴣天

四

好事近

二

卜算子

二

浪淘沙

醉落魄

三登樂

四

虞美人

四

和石湖詞

東吳 陳三聘 夢攷

滿江紅冬至

薄日輕雲天氣好相將祈穀民情喜頌聲洋溢清風斯
穆飲酒不多元有量吟詩無數添新軸對故人一笑我
真愚君無俗 斜川路經行熟黃花在歸心足問淵明
去後有誰能屬神武衣冠驚夢裏江湖漁釣論心曲但
從今散髮更披襟誰能束

又

天豈無情天若道有情亦老功名事問天因甚蒙人不
了好伴雲煙耕谷口休將翰墨傳江表算鬢邊能得幾

春風驚秋早 陶令尹張京兆懷舒嘯貪榮耀盡南柯
一夢漏殘鐘曉滕閣暮霞孤鶩舉庾樓明月飛烏繞念
老來於此興無窮知音少

又雨後攜家遊西湖荷花盛開

紺縠浮空山擁髻晚來風急吹驟雨藕花千柄豔妝新
浥窺鑑粉光猶有淚凌波羅襪何曾溼訝漢宮朝罷玉
皇歸凝情立 尊前恨歌三疊身外事輕飛葉悵當年
空擊誓江孤檝雲色遠連平野盡夕陽偏傍疏林入看
月明冷浸碧琉璃君須吸

又

斜日鎔金三萬頃棹歌齊舉風不動采蘋雙漿翠鬢相

語月殿欲浮蟾兔魄海神不放魚龍舞到今宵秋氣十
分清無今古君試喚扁舟侶來伴我瀟湘渚共夷猶
春浪笑歌秋浦霸越獨高身退後塵纓未濯人誰許歎
酒杯不到子陵臺劉伶土

千秋歲重到桃花塢

當年漁隱路轉桃溪匯流水下青山外客行花徑曲月
上松門對撐艇子雪中蓑笠親曾載老去誰傾蓋腰
瘦頻移帶人健否花仍在明年春更好來向花前醉青
鬢改恁時難拚千金買

浣溪沙燭下海棠

酒力先從臉暈生粉妝新麗笑相迎曉寒高護彩雲輕

不語似愁春力淺有情應恨燭花明更於何處覓傾

城

又

翠幕遮籠錦一叢尊前初見淺深紅淡雲和月影憇龍
醉態只疑春睡裏啼妝愁聽雨聲中更燒銀燭醉車

風

又新安驛席上留別

不怕春寒更出遊蘭橈飛動卻驚鷗煙光佳處輒遲留
屏曲未曾歌醉夢眉尖空只鎖閒愁從教絲柳絆行

又舟

越浦潮來信息通
吳山不見暮雲重
人生何事各西東
煙外好花紅淺淡
雨餘芳草綠蔥蘢
苦無歡意敵春濃

又

元夕後三日王文明席上

點檢尊前花柳叢
於中偏占牡丹風
等閒言語慣迎逢
扇影不搖珠的皦
釵梁斜鞞玉玲瓏
夢魂長向楚江

東

又

不躍銀鞍與繡韉
曲筇芒屨見衰年
尋幽來立渡頭船
碧澗芹羹珍下筯
紅蓮香飯樂歸田
不妨尊酒興悠

然

又

簾押低垂月影疏
梅枝和雪玉香扶
兒家春信入來無
半墜寶釵慵覽鏡
任偏羅髻卻拈書
琴心誰與問相

如

朝中措
丙午立春大雪是歲十二月九日丑時立春

朝來和氣滿西山
拄頰小闌干
柳色野塘幽興
梅花紙帳輕寒
三杯淡酒玉腴蔬嫩
青縷堆盤
細寫池塘詩
夢玉人翦做春旛

又

求田何處是生涯
雙鬢已先華
隨分夏涼冬暖
賞心秋月春花
吾年如此愁來問酒
困後呼茶
結社竹林詩

老卜鄰江上漁家

又

去年曾醉杏花坊
柳色閒輕黃
重覓舊時行迹
春風滿路梅香
平沙岸草
夫差故國
知是吾鄉
夢斷數聲柔艣
只應已過橫塘

又

草堂春過一分餘
幽事酒醒初
琴調細鳴焦木
矢聲不斷銅壺
關心藥裏
忘年蓑笠
自著潛夫
雨後長鏡東麓
月明短艇西湖

又

秋山橫截半湖光
湖渚橘枝黃
紈扇罷搖蟾影
練衣已

怯風涼 插紅裂蠚銀絲鱠鯽莫負傳觴醉裏乾坤廣
大人間寵辱兼忘

蝶戀花

閶闔城西山四面鴨綠鱗鱗輕拍橫塘岸一陣東風羊
角轉望中已覺孤帆遠 獨恨尋芳來較晚柘老桑稠
農務村村徧山鳥勸酤官酒賤炊煙深巷聽縹繭

南柯子

別後驚人遠歸心怯艣柔晚天涼思冷於秋冷浸一溪
明月水瀾流 醉裏狂仍在吟餘趣極幽夜深何用數
更籌別有好風吹酒不須求

又

煙樹觀前浦風蘋聽遠洲等閒來上水邊樓悵望天涯
何處有歸舟香斷燈花夜歌停扇影秋欲緘尺素說
離愁不見雙魚空有大江流

又七夕

月傍雲頭吐風將雨腳吹夜深烏鵲向南飛應是星娥
顰恨入雙眉舊怨垂千古新歡只片時一年屈指數
佳期到得佳期別了又相思

水調歌頭

玉鑑十分滿清露一年秋漂流蹤迹誰念楚尾與吳頭
此夜刮明塵眼望極好張詩膽何處有高樓浩蕩銀潢
冷縹緲白雲浮笑勞生難坎止亦乘流闌干拍碎清

夜起舞不勝愁萬里關河依舊一寸功名烏有清淚滴
衣裘老去心空在歸夢繞蘋洲

又燕山九日作

有客念行役勁氣凜於秋男兒未老銜命如虜亦風流
決定平戎方略恢復舊燕封壤安用割鴻溝莫獻肅霜
馬好衣白狐裘我何人懷壯節但凝愁平生未逢知
已噲伍實堪羞金馬文章何在玉鼎勲庸何有一笑等
雲浮拚斷好風月羯鼓打梁州

西江月

詩眼曾逢花面畫圖還識春嬌當年風格太妖饒粉膩
酥柔更好酒暈不溫香臉玉慵猶怯輕綃春風別後

又秋高再見只應人老

又

春事已濃多日遊人偏盛今年梨花寒食雨餘天鴨綠
含風浪淺翠袖半黏飛粉羅衣尙怯輕寒不辭歸路
委香鈿門外東風如箭

鵲橋仙

七夕

銀潢仙仗離多會少朝暮世情休妒夜深風露灑然秋
又莫是輕分淚雨雲收霧散漏殘更盡遙想雙星情
緒憑誰批敕訴天公待留住今宵休去

宜男草

搖落丹楓素秋後舞長亭尙餘衰柳別夢回憶得霜柑

分我應自有濃香
喚手宿醒誰解
三杯酒曉山橫望
中銜斗人去也
縱得相逢似舊
問當日紅顏在否

又

綠水黏天淨無浪
轉東風縠紋微漲
箇中趣莫遣人知
容我日日扁舟獨往
平生書癖已無恙
解名韉更逃羈網
春近也梅柳頻看
枝上玉蘂金絲暗長

秦樓月

雲衣薄春晴自有東風掠
東風掠試聽枝上幾聲乾鵲
曲屏心事新題卻離愁何用堆眉角
堆眉角今朝莫是打頭風惡

又

花前狹翠茵圍坐花陰合花陰合閒情不似一雙狂蝶
春溝何處尋紅葉春寒料想羅衣怯羅衣怯午醺醒
未翠衾重疊

又

光風薄楊花欲謝春應覺春應覺一庭紅杏粉花吹落
冶遊無復飛紅索憑高獨上湖邊閣湖邊閣黃昏獨
倚畫闌西角

又

青樓缺樓心人待黃昏月黃昏月入簾無柰柳絲吹雪
誰人弄笛聲嗚咽傷春未解丁香結丁香結鱗鴻何
處路遙江闊

又

春膏集新雷忽起龍蛇螫龍蛇螫柳塘風快水流聲急
傷心有淚憑誰浥尊前容易青衫溼青衫溼渡頭人
去野船鷗立

念奴嬌

浮雲吹盡捲長空千頃都凝寒碧兔杵無聲風露冷天
也應憐人寂故遣姮娥駕蟾飛上玉宇元同色天津何
事此時偏界南北不但對影三人我歌君和我舞君
須拍滌洗胸中愁萬斛莫問今宵何夕老矣休論著鞭
安用一笑真狂客夜深歸去爛然溪上阡陌

又

晴風麗日算東君。坼徧梅心。桃萼獨有名。花開殿後一
笑嫣然如昨。黃袂層膚。霞冠高擁。多態春纔覺。雨巾風
帽。故人來趁花約。好是羅綺。添春香風。環坐半醉金
釵落。老去心情難似舊。手撚花枝爲樂。麝馥縈愁。妝花
凝恨。莫惜金荷酌。酒闌花睡。夢魂重到京洛。

又

水空高下望沈沈。一色渾然。蒼碧天籟不鳴。涼有露金
氣橫。秋寂寂。玉宇瓊樓。望中何處。月到天中。極御風歸
去。不愁衣袂無力。此夜飄泊。孤篷短歌。誰和自笑。狂
蹤迹。咫尺藍橋。仙路遠。窅窅雲英。消息疏影。婆娑恍然
身世。我是尊前客。一聲悽怨。倚樓誰弄長笛。

又

餘霞飛綺望長天頃刻雲容凝碧今夕江皋風力軟明
日波心頭白客舸東流語離深夜遣我新愁積春融花
麗定知天相行色別後一紙鄉書故人相問好趁秋
鴻翼空有佳人千點淚錦字機中曾織利鎖名韉古今
同是誰失知誰得來朝愁望舊樓何處西北

又和徐尉遊石湖

扁舟此計問當年誰與尋盟鷗鳥許國勳名彝鼎在風
月不妨吟笑碧草臺邊紅雲溪上壽杖扶詩老水浮天
處未應俗駕曾到盛事埒美知章鑑湖君賜宸翰今
題號指點飛煙輕靄外有路直通仙島蓑笠漁船琴書

客坐清夜尊壘倒未須歸去片蟾初上林表

惜分飛

莫唱驪駒容首聚花徑重來微步從此朝天去故山怨
鶴栖猿侶試卜西園春在否無柰濛濛細雨明日長
亭路斷魂芳草人何處

夢玉人引

別來何處酒醒後夢難覓晚日溪亭清曉便挂帆席滿
載離愁指去程還作江南行客目斷層城迢迢山驛
素巾空染淚痕斑應是暗中滴記得輕分玉簫猶自
淒咽昨夜東風梅柳驚春色料伊也沒心情過卻好天
良夕

又

倚闌干久人不見暮雲碧芳草池塘春夢暗驚詩客昨夜溪梅向空山雪裏輕勻顏色好贈行人折枝南枝北
雨中風帽昔追遊誰念舊蹤迹料得疏籬暗香時度
風息淡月微雲有何人消得便歸去踏溪橋慰我經年
思憶

如夢令

紅紫不將春住風定更飄無數溪漲綠含風短艇晚橫
沙渡歸去歸去肯念西池鴛鴦

又

珍重故人相許來向水亭幽處文字閒金釵消盡晚天

微暑無雨無雨不比尋常端午

菩薩蠻

筇枝探得梅開了青鞋漸踏江頭草日日作東風海棠
相次紅離多良會少此計應須早莫待作行人卻將
愁送春

又元夕立春

春城辦得紅蕖了紅蕖未點春先到新月入新年方纔
今夜圓雲屏誰爲隔腸斷金釵客好語寫春旛都教
席上看

又

楊花滿院飛紅索春光不似人情薄樓閣斷霞明梨花

開晚晴 玉虬香散後扶困三杯酒不是聽思歸歸心
思此時

臨江仙

夜飲只愁更漏促留連笑看薔薇歌聲繚繞徹簾幃坐
中清淚落梁上暗塵飛 重覩舞腰驚束素不應更褪
羅衣別來容易見來稀次公狂已甚不醉亦忘歸

又

白首故人重會面論交爾汝忘形從今心迹喜雙清飛
鴻追往事爲蝶笑餘生 琥珀杯濃春正好此懷端爲
君傾舊時猿鶴敢寒盟鳩居從拙計鵬翼任高程
減字木蘭花

凝雲不動玉海無聲千丈凍來倚闌干襟袖憑虛徹骨
寒歸心易折後夜月明應恨別罨畫圖邊著我披蓑
上釣船

又

東籬黃菊細撚香枝人事熟少緩芳尊且醉農家麩米
舂老人齋戒底事新來移角帶歸夢相關明月松江
萬頃寬

又

盈盈嫋嫋欲問卿卿還好好無奈嬌何摺摺湘裙薄薄
羅尊前顧曲舞作回風花拍促壓盡時流棋裏輸伊
一百籌

又

先生困熟萬卷書中聊託宿似怯清寒更熱都染向博
山遊仙夢杳啼鳥聲中春又曉未著烏紗獨坐溪亭
數落花

又

殷勤舉白昨夜東風猶有雪莫恨春遲曾見梅花第一
枝陰晴未決早晚清明新火活夢繞秦樓欲趁歸潮

上客舟

鷓鴣天

酒暈從教上臉丹春愁何事點眉山都將別後深深意
且向尊前細細看多少恨說應難粉巾空染淚爛斑

鑑猊箏鴈長閒卻明月樓心夜正寒

又

指剝春蔥去采蘋衣絲秋藕不沾塵眼波明處偏宜笑
眉黛愁來也解顰 巫峽路憶行雲幾番曾夢曲江春
相逢細把銀釭照猶恐今宵夢似真

又

昨夜東風怒不成曉來猶自掃殘英半酸梅子連枝重
無力楊花到地輕 情易感涕先零玉虬香冷更淒清
事如芳草緜緜遠恨比浮雲冉冉生

又雪梅

翦碎霜綃巧作團玉纖特地破朝寒疏花好向釵橫見

瘦影難敲月墮看
將舊恨入眉彎
不須多樣縷金旛
當時千點東風淚
怪見妝成粉未乾

好事近

我欲御天風飛上廣寒宮
闕撼動一輪秋桂照人間
愁絕歸來須著酒
消磨玉面點紅纈
起舞爲君狂醉更
何須邀月

又

枝上幾多春數點不融香雪
縱有筆頭千字也難誇清
絕豔桃李敢爭妍
清怨笛中咽
試策短筇溪上看
影浮波月

卜算子

雪後竹枝風醉夢風吹醒瘦立寒階滿地春淡月梅花
影 門外轆轤寒曉汲喧金井長笛何人更倚樓玉指
風前冷

又

澗下水聲寒澗底松風靜時有清香度竹來步月尋疏
影 往事屬東風試問花應省曾是花前把酒人別夢
溪堂冷

三登樂

南北相逢重借問古今齊楚燭花紅夜闌共語悵六朝
興廢但倚空高樹目斷帝鄉夢迷鴈浦 故人疏梅驛
斷音書有數塞鴻歸過來又去正春濃依舊作天涯行

旅傷心望極淡煙細雨

又

注望曉山晴色麗晨餐應飽穀紋平漲天渺渺倚藤枝
撐艇子昔遊曾到江山自古水雲轉好 悵年來心縱
在盟寒鷗鳥故人中黑頭漸少問幾時尋舊約石磯重
掃一竿釣月鬢霜任老

又

久蟄羣虬猶未肆新雷初啟鼓東風雨膏爲洗望橫塘
越溪路石湖煙水西接洞庭下連甫里 憶當年歸計
早扁舟從此祖清風相門有幾圍堂高應解笑紛紛蝸
蟻錦囊雪月更看醉裏

又

一品歸來強健日小園幽圃扁舟興恐天未許想當年
持漢節眾齊咻楚丹忠此日盛名千古 按詞章師海
內緯文經武莫寒盟故山舊侶到鱸鄉還是秋風斜
雨鳴刁鱗雪未應便去

浪淘沙

風雨晚春天芳興慵慳淺紅稠綠滿園閒獨有梨花三
四朵留住春寒 年少躍金鞍咫尺關山倦飛如我已
知還灑向東風千點淚衣上重看

虞美人 寄人覓梅

融融睡覺東風息行到溪亭側一枝梅玉似人人索笑

依然消瘦不禁春
相逢試問情多少
應怪山翁老翠
羅高護結花鄰
一任餘芳爭學
捧心顰

又

天公意向人情滿
燈月教同看
中秋雖是十分明
不比
今宵處處有華燈
豔桃穠李歌闌後
更醉青樓酒不
妨飲盡玉東西
橫笛聲中春色要君知

又

飛瓊曉壓梅枝重
酒面羊羔凍
誰將縞帶逐車翻
明月
秦樓昨夜不勝寒
何須捲起重簾幕
愁怕春羅薄
玉
杯持勸醉厭厭
無奈有人籠袖出香尖

又紅木犀

乾紅翦碎煩纖玉相竝黃金粟漢宮素面說明妃馬上
秋風應解著燕支黃昏小樹堪愁絕不比梅花月滿
天風露透肌涼插取雙枝歸去是誰香

醉落魄元夕

東風寒絕江城待得花枝發欲知此夜碧天闊

下缺

大參相公望重百僚名滿四海有志之士口願見而
不可得者也一日客懷詩詞數十篇相示曰此大參
范公近所作也三聘正容斂衽登受謝客曰夫珍奇
之觀得一而足況坐羣玉之府心目爲之洞駭足下
至者止於此乎客之賜厚無以加旣去披吟累日輒

以蕪言屬韻可笑其不自量矣然使三聘獲登龍門
賓客之後塵與聞黃鍾大呂之重平時之願至足於
此則今日狂率之意無乃自爲他時之地哉至於良
玉武夫雜然前陳茲固不免於罪戾尙可追耶東吳
陳三聘夢弼謹書

松坡詞目錄

醉落魄

好事近二

定風波

水調歌頭九

滿江紅

木蘭花慢

絳都春

念奴嬌五

洞仙歌

水龍吟三

漢宮春

洞庭春色

賀新郎

雨中花二

瑞鶴仙

醉江月

松坡詞

豫章 京 鏗 仲遠

醉落魄 觀碧雞坊王園海棠次范石湖韻

芳塵休撲名花喚我相追逐淺妝不比梅敲竹深注牛
顏嬌面稱紅燭 阿嬌合貯黃金屋是誰卻遣來空谷
酡顏徧倚闌干曲一段風流不枉到西蜀

好事近 次盧漕國華七夕韻

急雨逐驕陽洗出長空新月更對銀河風露覺今宵都
別 不須乞巧拜中庭枉共天孫說且信平生拙極耐
歲寒霜雪

又同茶漕二使者登大慈寺樓次前韻

傑閣聳層霄幾度曉風殘月同是鷓鴣行舊侶慰十年離
別一杯相屬莫留殘試倚闌干說趁取簪花綠鬢未
駸駸如雪

定風波次楊茶使七夕韻

何必穿針上綵樓剖瓜插竹訴窮愁聞道天孫相會處
銀漢無津不待泛蘭舟動是隔年尋素約何似每逢
清夢且嬉游但得舉杯開笑口對月臨風總勝鵲橋秋

又次韻

休臥元龍百尺樓眼高照破古今愁若不擎天爲八柱
且學鷗夷歸泛五湖舟萬里西南天一角騎氣乘風
也作等閒游莫道玉關人老矣壯志凌雲依舊不驚秋

水調歌頭次盧漕韻呈茶漕二使

楊盧萬人傑見我眼俱青錦官城裏勝槩在在款經行
筆底煙雲飛走胸次乾坤吐納議論總縱橫覺我形穢
處相並玉壺清二使者弦樣直水般平岷峨洗淨悽
愴威與惠相并聞道東來有詔卻恐西樓無計頓使雪
山輕滾滾蜀江水不盡是聲名

又中秋

明月四時好何事喜中秋瑤臺寶鑑宜挂玉宇最高頭
放出白毫千丈散作太虛一色萬象入吾眸星斗避光
彩風露助清幽等閒來天一角歲三周東奔西走在
處依舊若從游照我尊前隻影催我鏡中華髮蟾兔漫

悠悠連璧有佳客乘興且登樓

又伏蒙都運大判院以某新建駟馬橋落成有日口寵
賜佳詞爲郡邑之光輒勉繼嚴韻以謝萬分

百堞龜城北江勢遠連空杠梁濟涉渾似溪澗飲長虹
覆以翬飛華宇載以魚浮疊石守護有神龍好看發源
水滾滾盡流東 司馬氏凌雲氣蓋羣公當年題柱從
此奏賦動天容果駕輶車使蜀能致諸蠻臣漢邛笮道
仍通寄語登橋者努力繼前功

又次王運使韻

身去日華遠舉首望長安四年留蜀那復有夢到金鑾
遙想將蕪三徑自笑已窮五技無語倚闌干欲作天隄

別猶對俎尊閒 秋意晚風色厲葉聲乾陽關三疊緩
唱一醉且酡顏聚散燕鴻南北得失觸蠻左右莫較去
仍還後日相思處煙水與雲山

又次果州馮宗丞韻

滾滾長江水策策曉霜風求歸得請特地送我布帆東
出處何關輕重去住不拘淹速社燕與秋鴻父老休相
戀四載愧無功 誰知有樓百尺臥元龍來從天上一
麾游戲斗牛中聞道君王前席見說從臣虛位變化待
鯤鴻一笑同錦里萬事付金鍾

又次永康白使君韻

與蜀有緣法見我眼俱青征車到處絃管無限作離聲

自笑四年留滯漫說三邊安靜分闔愧長城一念天地
闢萬事羽毛輕欲歸去詩入社酒尋盟駸駸雙鬢老
矣祇覺壯心驚雖是東西惟命已斷行藏在已何必問
君平舉似銅梁守懷抱好同傾

又留別茶漕二使者

數月已辦去今日始成行天公憐我特地趁曉作霜晴
萬里奔馳爲米四載淹留爲豆自笑太勞生父老漫遮
道撫字愧陽城君有命難俟駕合兼程故山心切猿
鶴應是怨仍驚多謝使華追路不忍客亭分袂已醉酒
猶傾莫久西南住漢代急公卿

又

四載分蜀閩萬里下吳檣老懷易感厭聽催別官
自愧口非經遠更笑才非任劇安得召公棠有志但碌
碌無績可章章漢嘉守明似月潔如霜邦人鼓舞愛
戴惟恐趣歸忙況是水曹宗派仍得蘇州句法燕寢晝
凝香且趁東風去步武近明光

又次前黃州李使君見贈韻

挺挺祖風烈再歲滯偏州元龍豪氣宜臥百尺最高樓
萬丈文章光焰一段襟懷灑落風露玉壺秋亂石驚濤
處也作等閒游適相逢君去騎我歸舟清都絳闕密
邇切莫小遲留趁取親庭強健好向聖朝傾吐事業肯
悠悠回首宣藩地恩與大江流

滿江紅中秋前同二使者賞月

乘興西來問誰是平生相識算惟有瑤臺明月照人如
昔萬里清涼銀世界放教千丈冰輪出便招邀我輩上
層樓橫孤笛陰晴事人難必歡樂處天常惜幸星稀
河澹雲收風息更著兩賢陪勝賞此身如與塵寰隔笑
謫仙對影足成三空孤寂

又中秋邀茶漕二使者不見月

喜見中秋急載酒登樓邀月誰料得狂風作祟浮雲
孽孤負闌干凝望眼不教寶鑑懸銀闕但筵前依舊
腰斜歌喉咽陰與霽圓并缺難指準休分別况賞心
樂事從來磨折常把一尊陪笑語也勝虛度佳時節怪

坡仙底事太愁生驚華髮

又次盧漕高秋長短句併呈都大

纔近重陽喜風露醞成爽氣應料有悲秋情緒澹妝慵
試黃菊籬邊開徧否紫鴻塞外歸來未但倚闌高處望
長空無窮意 名利鼎從渠沸窮達路非人致又何須
咄咄向空書字西風正好狂吹帽庾塵那解關無事縱
嬉游也不學山翁如泥醉

又浣花因賦

錦里先生草堂築浣花溪上料飽看階前雀食籬邊漁
網跨鵠騎鯨歸去後橋西潭北留佳賞況依然一曲抱
村流江痕漲 魚龍戲相浩蕩禽鳥樂增舒暢更綺羅

十里棹歌來往，上坐英賢。今李郭邦人，應作仙舟想。澹澹乎落日未西時，船休放。

又次宇文總領上巳日游湖韻

雨後晴初，覺春在楳村柳陌。修禊事郊坰，尋勝特邀君出。繚繞羣山，疑虎踞、瀾漫一水。容鯨吸怪，西湖底事，卻移來龜城北。酬令節逢佳日，風遞煖煙凝碧。趁蘭舟游玩，盡杯中物。十里輪蹄塵不斷，幾多粉黛花無色。笑杜陵昔賦麗人行，空遺迹。

又壬子年成都七夕

雨洗新秋，遣涼意驅除殘暑。還是天孫河鼓，一番相遇。銀漢橋成，烏鵲喜，金匳絲巧。蜘蛛吐見，幾多結綵，拜

樓前穿針女 舟楫具將歸去尊俎勝休恩遽被西川
七夕四回留住此地關心能幾輩他年會面知何處更
倚闌豪飲莫辭頻歌金縷

又次潼川漕劉殿院韻

外省掄才詔書下芝泥猶溼應料得出奇錦繡爭輝金
碧三級浪高魚已化九霄路遠鵬方息有宗工此地獨
持衡將專席 歲月晚霜風急嗟老子爲行客念昔陪
班綴今親辭色握手方成同社款消魂又作歧亭別也
不須因賦大刀頭歸心折

又次楊提刑韻

道骨仙風台笞鳳鞭鸞歸去底事爲三峨九霄等閒留

住攬轡聊施經濟手凝旒屢出褒嘉語算只今人物更
誰歸心如許嗟我拙才不武慚我陋文非古縱策遲
鞭鈍也難追步雖喜故人逢異縣卻嫌游子貪行路但
著公西掖北門中相期處

木蘭花慢重九

算秋來景物皆勝賞況重陽正露冷欲霜煙輕不雨玉
宇開張蜀人從來好事遇良辰不肯負時光藥市家家
簾幕酒樓處處絲簧婆娑老子興難忘聊復與平章
也隨分登高茱萸綴席菊蕊浮觴明年未知誰健笑杜
陵底事獨淒涼不道頻開笑口年年落帽何妨

絳都春元宵

昇平似舊正錦里元夕輕寒時候十里輪蹄萬戶簾帷
香風透火城燈市爭輝照誰撒□滿空星斗玉簫聲裏
金蓮影下月明如晝知否良辰美景□豐歲樂國從
來希有坐上兩賢白玉爲山聯翩秀笙歌一片圍紅袖
切莫遣銅壺催漏杯行且與邦人共開笑口

念奴嬌

七夕是年七月九日方立秋

捫參歷井恰愬愬三見西州七夕怪得驕陽回避晚猶
去新秋雨日天上良宵人閒佳節初不分今昔夜來急
雨洗成風露清絕因念萬里飄零君平何在誰識乘
槎客插竹剖瓜休妄想巧處那容人乞院宇初涼樓臺
不夜漫說經年隔引杯長嘯醉看天地空闊

又上巳日游北湖

錦城城北有平湖彷彿西湖西畔載酒郊垆修禊事雅
稱蘭舟同泛麥壠黃輕楫林綠重莫厭春光晚棹歌聲
發飛來鷗鷺驚散好是水漲瀾漫山圍周市不盡青
靑岸除卻錢塘門外見只說此閒奇觀句引游人追陪
佳客三載成留戀古今陳迹從教分付絃管

又次宇文總領游北湖韻

并引

伏蒙宮使總領郎中再寵賚鄙句爲貺愈出愈奇輒
復賦一首以謝萬分并述所懷

郎闈風望問何因袖手雙流溪畔憶昔班行曾接武今
喜一尊同泛驥櫪難淹鵬程方遠大器成須晚等閒訪

我又驚雲雨分散 最是游子悲鄉小人懷土夢繞江
南岸楚尾吳頭家住處滿目山川遐觀歸興雖濃俞音
尙闕此地非貪戀東西惟命去留遲速休管

又

并引

某丐歸得請有旨候代者入境方許其去適修浣花
故事因成長短句呈都運大判院伏冀一噓

繡天錦地浣花溪風物尤爲奇絕無限蘭舟相蕩漾繒
綵重重裝結冀國遺蹤杜陵陳迹疑信俱休說笙歌叢
裏旌旗光映林樾 自笑與蜀緣多滄浪亭下飽看煙
波闊屢疏求歸纔得請知我家山心切已是行人猶陪
佳客莫放回船發來年今日相思惟共明月

又次洋州王郎中韻

文章太守問何事，猶帶天庭黃色。上界一時官府足，聊下神仙宮闕。剖竹新游，握蘭舊夢，此意誰人識。千軍筆陣爭先，曾奪矛槩。好是萬里相逢，一尊同醉，傾吐平邊策。聚散人生，渾慣見、莫爲分襟。嗚咽借箸，機籌著鞭，功業只合從君說。明朝回首天涯，何處風月。

洞仙歌重九藥市

三年錦里見重陽，藥市車馬喧闐。管絃沸笑籬邊，孤寂臺上疏狂，爭得似此日。西南都會，癡兒官事了，樂與民同。況值高秋，好天氣，不羞華髮不照衰顏。聊滿插黃花一醉，道物外高人，有時來問混雜。龍蛇箇中誰是。

又次王漕邀賞海棠韻

東皇著意妙出妝春手點綴名花勝於繡向魚鳧國裏
琴鶴堂前仍共賞蜀錦堆紅炫晝妖嬈真絕豔盡是
天然莫恨無香欠檀口幸今年風雨不苦摧殘還肯爲
游人再三留否算魏紫姚黃號花王若定價收名未應
居右

水龍吟壽王漕是日冬至

夜來井絡參躔使星一點明如晝誰將天上麒麟種作
人間英秀從橐儀刑御屏名姓暫煩衣繡問西川父老
新來喜躍緣何事曾知否今代澄清妙手爲公家憂
心如疚幾年繁賦一朝輸代恩民特厚初度佳辰恰逢

長至從來希有，但只將一部歡聲百萬，與公爲壽。

又次利漕范右司韻

四年留蜀，慚無補好。是求歸得去，風帆百尺，煙波萬里。
盃辭掀舞，楚尾吳頭，我家何在。西山南浦，想珠簾畫棟，
倚闌凝望，依然卷雲飛雨。最好九霞光處，見當時結
知明主，冰霜節操，斗星詞采，羽儀朝路。邂逅開懷等閒，
分手滿斟綠醕，道日邊好語，相將飛下，有人知否。

又次邛州趙守韻

推移隨牒，紅塵裏試問幾時，肩息家鄉何在。煙迷波渺，
雲橫山屹，分閫無功，臨民有愧。袴今襦昔，想征帆萬里，
陽關三疊，腸空斷人誰憶。多謝殷勤綺席，苦留連不

容浮鷁九霞光外五雲深
畔君宜鵠立自笑衰遲未能
軒輕漫勞噓吸願鋒車趣召
吳天楚地相逢他日

漢宮春壽李都大

看透塵寰更禪心似水道力如山
前身青冥跨鵠紫府乘鸞世緣
一念便等閒遊戲人間須信道
雲霄步武不應權牧西南
此日重臨初度正繡衣輝映
綵服爛斑人生顯達易到榮養
難攀一時慶事問誰家得似
門闌知未艾百千壽算慈闈
長奉親歡

又元宵十四夜作是日立春

暖律初回又燒燈市井賣酒樓臺
誰將星移萬點月滿千街輕車細
馬隘通衢蹴起香埃今歲好土牛
作伴挽

留春色同來 不是天公省事要一時壯觀特地安排
何妨綵樓鼓吹綺席尊疊良宵勝景語邦人莫惜徘徊
休笑我癡頑不去年年爛醉金釵

洞庭春色次宇文總領韻

命駕訪嵇泛舟思戴此興甚濃料情侔楊惲烏烏拊缶
意輕殷浩咄咄書空莫訝羣芳淹速異到時序推排元
自同休悵望任春來桃李秋後芙蓉 因嗟錦城四載
漫贏得齒豁頭童歎里門密邇易成間闊詩筒頻寄難
續新工我已懷歸今得請念此地遲回誰似公經濟手
看鸞臺鳳閣晚節收功

賀新郎中秋

試與姮娥語問因何年年此夜月明如許萬頃鎔成銀
世界是處玉壺風露又豈比尋常三五變化乾坤同一
色覺星躔斗柄皆回互須要我共分付平生腳踢紅
塵處漫紛紛雞蟲厚薄燕鴻來去只有嬋娟多情在依
舊當時雅素空自歎歸心難住留取清光岷江畔照扁
舟送我章江路頻引滿莫怱遽

雨中花重陽

玉局祠前銅壺閣畔錦城藥市爭奇正紫萸綴席黃菊
浮卮巷陌聯鑣並轡樓臺吹竹彈絲登高望遠一年好
景九日佳期自憐行客猶對佳賓留連豈是貪癡誰
會得心馳北闕興寄東籬惜別未催鷓首追歡且醉蛾

眉明年此會他鄉今日總是相思

又次閩侍郎韻

跨鶴仙姿掣鯨老手從來眼赤腰黃更詞源峽水才刃
干將處處歡謠載路時時秀句盈囊牛頭山畔煩公斂
惠許我分光逢迎錦里話舊從容誰知各整行裝况
正好登高懷古擇勝尋芳少緩紅蓮開幙何妨黃菊浮
觴等閒分首征塵去後目送斜陽

瑞鶴仙次宇文總領韻

鴛行舊儔侶問底事遲回西州西處閒居久如許想
翁對飲詩人聯句夤緣會遇過高軒相逢喜舞正菊天
景物澄鮮切莫趣歸言去看取星扉月戶霧閣雲

非公孰住從容笑語人生易別難聚恨分違有日留
無計滿目離愁忍覩若他時魚雁南來把書寄與

醉江月次眉州李大著韻

墓頤江畔問收拾多少山光水色此是朝宗東去路淮
擬鳴鼉浮鷁儒館英游侯藩賢望便合還丹極九重
想甘泉聞道虛席因念北闕同朝西州聯事久矣心
相得邂逅天涯拚一笑洗我塵胸俗臆報國無功歸田
有興寤寐松坡側他時音問且憑來信鱗翼

右松坡居士樂府一卷大丞相祁國京公帥蜀時所
賦也公以鎮撫之暇酬唱盈編抑揚頓挫脗合音律
岷峨草木有榮耀焉

汝嘉

輒再鋟木豫章學宮附於

詩集之後惟公之詞翰春容隨所寓而有尙須徧加
裒咨時續刊之慶元己未八月初吉門下士莆田黃
汝嘉謹識

松坡詞校記

醉落魄深注原本缺从全芳備祖

定風波休凌雲原本缺从吳

水調歌頭楊洗盡原本作盡

又去身莫較原本莫字

又滾斗牛原本牛作

又數為豆原本豆作

又挺好向原本好作

滿江紅喜腰斜原本斜作休華髮原本斜作

又錦澹澹原本呼

水龍吟四日邊原本日字

松坡詞一卷彭氏知聖道齋藏明鈔本銀木既竣始
於滬肆見吳兔牀手寫本亟校改若干字如右吳本
缺水調歌頭四載分蜀闔一闕滿江紅道骨仙風一
闕而水調歌頭次永康白使君韻詞後又有奉陪永
康白使君游春城再次韻一詞曰雪嶺倚空白霜柏
傲寒青千巖萬壑奇秀禽鳥寂無聲好是羣賢四集
同訪寶仙九室中有玉京城眼底塵囂遠胸次利名
輕雲山旁煙水畔肯渝盟傳呼休要喝道方外恐
猜驚雅羨林泉勝概倘遂田園歸計志願足生平此
意只自解聊復爲君傾已未十月朱孝臧跋

渭川居士詞目錄

沁園春

醉桃源

蝶戀花

長相思

浣溪沙

清平樂

捉拍滿路花

謁金門

南鄉子

減字木蘭花

瑞鶴仙

滿江紅

江城子

滿庭芳

卜算子

瑞鷓鴣

感皇恩

臨江仙

好事近

鵲橋仙

木蘭花慢
五

柳梢青

鷓鴣天
五

點絳脣
五

魚游春水

霜天曉角

虞美人
三

菩薩蠻
二

南歌子

八聲甘州

如夢令
三

西江月

漁家傲
三

杏花天

渭川居士詞

建陽 呂勝己 季克

沁園春

月晃虛窗風掀斗帳曉來夢回見滿川驚鷺長空瑞鶴
聯翩來下翔舞徘徊旋放金盤承積塊更輕撼瓊壺撩
凍澌氈幃小近寶鑪獸炭沈水蘭煤 寒威酒力相欺
薦綠蟻霜螯左右持問歲歲禎祥如何中斷年年梅月
因甚愆期上紺碧樓城高百尺看白玉虬龍奔四圍紛
爭罷正殘鱗敗甲天上交飛

醉桃源

山翁可是愛登臺看雲日幾回恨無語似謫仙才空教

雲去來 思往事引深杯長歌感壯懷霜風晚下掃陰
霾天心寶鑑開

又題清暉閣

馬蹄西路賞春妍重來十五年好山如帶水如環紅樓
罨畫閒 人易老景如前停杯俯逝川歸舟回首望雲
煙秦人隔洞天

又

去年手種十株梅而今猶未開山翁一日走千迴今朝
蝶也來 高樹杪暗香微慳香越惱懷更燒銀燭引春
回英英露粉顚

蝶戀花

牆角栽梅分兩下夾竹穿松巧傍柴門亞不似西湖明
月夜展開一片江南畫老子尋芳心已罷爲愛孤高
結約如蓮社清靜界中觀物化憧憧門外馳車馬

又長沙作

天際行雲紅一縷無盡青山江水悠悠去更上層樓憑
遠處淒涼今古悲三楚心事多端誰共語酒醒愁來
望望家何所薄宦漂零成久旅天涯卻羨鴻遵渚

又觀雪作

姑射眞仙蓬海會馭氣乘龍作意游方外冬後翦花飛
素綵臘前隕璞拋團塊 冪冪縣雲相映帶川谷林巒
混一乾坤大白玉裝成全世界江湖點染微瑕類

又長沙送同官先歸邵武

屈指瓜期猶渺渺羨子征鞍去上長安道到得故園春
正好桃顚杏臉迎門笑聞道難兄登顯要鴈字雲霄
花萼應同調舊恨新愁須拚了功名趁此方年少

又

眼約心期常未足邂逅今朝暫得論心曲忽墮鮫珠紅
簌簌雙眸翦水明如燭可恨怱怱歸去速去去行雲
望斷悽心目何似當初情未熟免教添得愁千斛

又霰雨雪詞

天色沈沈雲色赭風攪陰寒浩蕩吹平野萬斛珠璣天
棄捨長空撒下鳴鴛瓦玉女凝愁金闕下褪粉殘妝

和淚輕揮灑欲降塵凡颯馭駕翩翩白鳳先來也

長相思

體天天步飄飄綬帶金泥縷絳綃瓏趁步搖
淺霞
消兩峰遙斜插層樓金繫腰花羞人面嬌

又倣南唐體

展鬢蛾抹流波竝插玲瓏碧玉梭鬆分兩髻螺
曉霜
和凍輕呵拍罷陽春白雪歌
人春意多

又探梅摘歸

冒寒吹訪瓊姬行到青山遇玉肌凝情欲待誰
出疏
籬手同攜踏月隨香清夜歸乘歡撥凍醅

浣溪沙

淺著鉛華素淨妝
翩躚翠袖拂雲裳
傍人作意捧金觴
曲度清悲雲冉冉
花飛零亂月茫茫
夢回人去似高

唐

又

直繫腰圍鶴閒霞
雙垂項帕鳳穿花
新妝全學內人家
惠性芳心誰得似
饒臙口惡也還他
只消凡事與饒些

清平樂

紅塵久住仙馭
凌波去本似行雲
無定處那更臘殘風
雨 瑤芳片片輕飛
但留青子欒枝孤負
歲寒幽意如今卻與春宜

又詠木犀

靈心暗屬髻壘黃金粟寂靜虛堂情不足微步徘徊山
麓 藥珠宮裏新妝生香全似瑤芳應爲鶯花留戀人
閒暫歇鸞鳳

促拍滿路花瑞香

名花無影迹寒氣日淒涼人間千萬樹歇芬芳紫微宮
女仙馭降霓裳名在仙班簿不屬塵凡洞天密鎖雲窗
遺璫連寶珥人世識天香凝寒承雨露傲冰霜凌波
仙子邂逅水雲鄉更約南枝友游徧江南共歸三島扶

桑

謁金門聞鶯聲作

花滿樹兩箇黃鸝相語恰似碧城雙玉女對歌還對舞
可惜娟娟楚楚同伴彩雲歸去居士心如泥上絮那
能無恨處

又

嗟久客又見他鄉寒食流水斷橋春寂寂孤村煙火息
白去紅飛無迹千樹總成新碧醉裏傷春愁似織東
風欺酒力

又

芳思切舊事不堪重說濃露凝香花噴血花心雙蛺蝶
燕語鶯啼都歇又過清明時節記得離歌三兩闋未
歌先哽咽

又

春又過那更雨摧風挫留得淺紅三兩朶竹梢煙霧鎖
把酒對花危坐多病多愁都可舞蝶游蜂迷道左惜
春忙似我

又

秋夜靜屋上狂風初定兩兩啼蛄相答應燈蛾搖燭影
枕上雞聲遙聽起舞良宵偏永明日謾尋弓劒整衰
顏重攬鏡

又阜梅

芳信拆漏洩東君消息帝殿寶鑪煙未熄龍香飄片白
點綴枯梢的皜疏影蕩搖寒碧指與纖纖教自摘枝

橫雲鬢側

又

天氣暖開了荼蘼一半紅日遲遲風拂面階前花影亂
俊雅風流不見定被鶯花留戀千尺游絲舒又寫繫
人心上線

又

歌罷奏斂步拂開羅袖寶扇輕搖香汗透軟香沾素手
小立偎人良久一寸嬌波橫溜心事未言眉已皺無
端催勸酒

南鄉子

斗笠棹扁舟碧水灣頭放自流盡日垂絲魚不上優游

更覺心鬆柰得愁
行客語滄洲
笑道漁翁太拙休
萬事要求須有道
何由教與敲針換曲鉤

又

縱棹越溪船
破浪衝濤到碧灣
種就長堤千畝竹
無邊插玉屯雲滿渭川
平日樂歸田
不戀榮華不慕仙
得箇容身棲隱處
寬閒每日江邊理釣竿

減字木蘭花

煙雲變化面面青山如展畫
俯對平川野水煙邨遠接天
有時縱目景物繁華觀不足
月下風頭一曲清謳

博見樓

瑞鶴仙栽梅

南州春又到向臘盡冬殘冰姑先報芳心愛春早露生
香馥馥靚妝皎皎詩人最巧道竹外斜枝更好旋移根
引水澆培松竹湊成三妙 回首當年客裏荆棘途中
幸陪歡笑閒愁似掃記風雪關山道待飄花結子和羹
煮酒還我山居送老那青紅浪蘂浮花盡鉏去了

又嘲博見樓

倚闌觀四遠近有客登臨故相磨難山形欠舒展小峰
巒雲樹晦明更變江淮楚甸又何曾分明在眼但臨深
自覺身高未可便名博見 休辨吾心樂處不要他人
其同稱善癡兒淺淺因他謾說一徧問還知宴坐回光
收視大地河山盡現待於中會得些時舉觴奉勸

又眾會謝右司趙鄂州勸酒二首 右司

人生如意少誰得似仙翁身名俱好亨衢騰踏早駕雙
旌五馬便居蓬島閩山蜀道秉玉節油幢屢到號當今
有腳陽春處處變愁成笑 尤妙晚陪論道密贊調元
虎符重剖去勞自保奉香火歸來了見煌煌甲第兩兩
龍駒綠鬣朱顏未到是平生種德陰功自天有報

又 鄂州

金枝聯玉葉世代有宗英聲華燦燦君侯更超絕抱不
羣才氣壯圖英發津途軌轍□武上青霄迴別自玉階
契合君王拍拍滿懷風月 奇絕身居蕭散志在功名
眼高天闊恩來魏闕長江上駐旌節待胡塵有警綸巾

羽扇談笑周郎事業恁時看國倚強宗詔褒偉烈

又渭川行樂詞 予有一洲可五百畝植花竹其上號

小渭川春月游人多於其上藉草酌酒歌樂

殘梅飄簌簌看柳上春歸柔條新綠嬌鶯離幽谷弄彈
簧清響飛遷喬木年華迅速歎浮生流暉轉燭自春來
每每遨游多辦九霞醪 溪北踏青微步鬪草慵眠
錦裯花褥鉛華簇簇歌聲妙聞絲竹愛一川好處高山
流水不減城南杜曲笑平生卓地無錐老來富足

滿江紅

往事千端都笑道衰翁宦拙今會得人情物態盡皆休
說廣廈儘堪舒笑傲層樓又見凌空闊試閒思畫戟比

衡門誰優劣 塵裏事無休
歇樓上趣真奇絕有一川
虛曠萬山環列識破古今如
旦暮肯將物我剛分別
願時時與客坐樓心談風月

又中秋日

屈指重陽有半月猶零九日
且停待今宵月上寶輪飛
出有客最諳閒況味無人會
得真消息算何須抵死要
榮華勞心力 樓觀迢遙山
碧槽醉小真珠滴隨分賞
閒亭別圃好天良夕籬畔行
看金蘂耀林梢便見瑤芳
白翫春來夏去復秋冬塵中
客

又登長沙定王臺和南軒張先生韻

小立危亭風慘淡斜陽滿目
望渺渺湘江一派楚山千

簇芳草連雲迷遠樹斷霞散綺飛孤鶩感騷人賦客向
來詞愁如束嗟遠宦甘微粟驚世事傷浮俗且經營
一醉未懷榮辱君不見淵明歸去後一觴自泛東籬菊
仰高風寂寞奠生芻人如玉

又辛丑年假守沅州蒙恩貶罷歸次長沙道中作

憶昔西來春已暮餘寒猶力正迤邐登山臨水未嗟行
役雲笈偶尋高士傳桃川又訪秦人迹向此時游宦興

闌珊歸無策歸計定歸心迫驚換歲猶爲客還悵望

家山千里迴無消息□□不堪泥路遠煙林賴有梅花

白爲孤芳領略歲寒情誰人識於時部使者一二人修

不遺餘力有一故人當道甚憐無辜津送之意甚勤逆
旅不至狼狽者故人之恩也遂發興於風雨梅花之間

又題博見樓

物理分明人事巧元來是拙常自覺滿懷春意向他誰
說賸喜登臨頻眺望那知出處成迂闊細閒思蕭散較
貪癡誰爲劣高樓上蟬聲歇飛棟外雲行絕見明河
星斗半空森列領略光陰成賦詠等閒酬唱休旌別要
良辰把酒倩佳賓嘲風月

又赴長沙幕府別餞送客

拍碎紅牙一聲上梁塵暗落紈扇掩雛鶯葉下巧呈綽
約字字只愁郎倖淺聲聲似怨年華薄坐中人相顧感
幽懷添蕭索歌暫闕杯交錯人又去情懷濩那堪聽
風雨渭城吹角去去已離閩嶺路行行漸近滕王閣便

無情山海會相逢堅心著

又郡集觀舞

檀板頻催雙撚袖飛來趁拍錦裯上嬌擡粉面淺蛾脈
脈鸞覷鶯窺秋水淨鴻驚鳳翥祥雲白看妖嬈體態與
精神天仙謫鞵帶緊弓鞞窄花壓帽雲垂額口回雪
定拚醉倒厭厭良夕明日恨隨芳草遠回頭目斷遙山
隔料多情應也念行人思佳客

又

牆下松筠并手種花窠盡著試屈指一年前事恍然如
昨繁杏新荷春夏景疏梅細菊秋冬約渭川翁隨分小
生涯些官爵分物我爭強弱都做夢誰先覺好一條

平路是人迷卻斑鬢已灰心裏事瘦滕謾挂瓢中藥願
當今四海九州人同歡樂

又觀雪述懷

雪壓山積誰撒下瓊花玉蘂寒氣凜沈沈天籟望迷千
里羣雀耐寒枯樹頂扁舟獨釣平沙背把江南圖畫展
開看都難比 臺榭遠登臨喜樓閣上歌聲起賞時光
居士獨憐愁底安得四方寒峻彥歸吾廣廈千間裏但
今生此願得從心心休矣

又

慘慘枯梢初疑似真酥點滴見深紅蒂萼方認早梅消
息粉豔牽連春意動冰姿照映霜華白伴蒼松修竹似

幽人相尋覓 香遠近枝南北
幽澗畔疏籬側便傭兒
販婦也知憐惜渭水漁翁方入社
西湖處士成陳迹愛
平生炯炯歲寒心無今昔

江城子盆中梅

年年臘後見冰姑玉肌膚點瓊酥
不老花容經歲轉敷
腴向背稀稠如畫裏明月下影疏
疏江南有客問征
途寄音書定來無且傍盆池巧石倚
浮圖靜對北山林
處士妝點就小西湖

又

一鉤新月下庭西繡簾低漏聲遲
小宴幽歡依約似當
時嬌盼注人都不語眉黛感鬢雲
敲街槐陰下玉驄

嘶苦相催醉中歸可惜明朝秋色滿東籬祇恐又成輕
別也情脈脈恨悽悽

滿庭芳 乙巳八月十日登博見樓作

丹雘浮空琉璃耀日上雲樓閣眈眈□□居士燕坐息
立談十載勞心問道今悟罷截日停參凝神處九苞丹
鳳翔舞在山南 喃喃成障礙千經萬論從此休貪且
陶陶兀兀對酒醺酣清興有時狂放扁舟上綠水澄潭
漁歌起從他兩岸齊笑老翁慙

卜算子

人事幾時窮我性偏宜靜世上誰無富貴心到了須由
命閒裏且偷安醉後休教醒醉裏高歌妙入神妙處

君須聽

又

梅蕾破香時雪月交光夜何處飛來兩玉娥體態雙閒
雅 縱目碧城樓勸酒留雲榭唱底仙家古道情分付
知音者

瑞鷓鴣登博見樓作

與君躡足共憑闌俯視周回四面山目靜魯邦心渺渺
氣吞夢澤意閑閑 煙雲變化更明晦烏鵲忘機互往
還喚取黃塵冠蓋客暫來徙倚片時間

又

幾時芟棘翦蒿蓬付我天然地一弓喬木茂林森聳聳

遙岑疊嶂碧重重
水心臺榭超塵表
樓上乾坤跨域
中黃鶴巴陵千古事
那知不是此衰翁

感皇恩雁汭泊舟作

秋意滿江湖雨輕風熟上水扁舟片帆速
遠山低岸貪看淺紅深綠不知回舵尾
滄灣宿推枕起來舉杯相屬
休歎風塵爲微祿幾年行路但覺登臨不足且翻楚調入清江曲

臨江仙同王侯二公登裴公亭

忽憶裴公臺上去
遠空秋氣稜稜
萬山一水秀還明
此時三楚客何意續騷經
愛竹子猷參杖屨能詩侯喜
同登賡酬不盡古今情
清風生白塵側月照疏星

好事近 和人題渭川釣漁圖韻

風景好樵川郭外三洲煙渚過盡古今清逸奈天公不
與地靈人意會符同留待煙霞侶一棹輕舟開岸弄
灘聲風雨

又

宿面淺勻妝梅粉旋生春色繡草冠兒宮樣繫丁香新
纈鳳檀槽上四條絃輕□□□擷恰似潯陽江畔話
長安時節

鵲橋仙 乙巳第四次雪

銀花千里玉階三尺遠近高低一色天公今歲被詩催
特地放冬前四白梅梢竹外頻頻輕撼嫌亂瑤芳素

質耐寒相對不勝清
氈帳底偎紅未得

木蘭花慢

殘紅吹盡了換新綠染疏林正杜宇催歸行人貪路天
氣輕陰江亭舊游宴處但遙山數疊晚雲深猶憶佳人
斂黛爲予別淚盈襟而今旅況難禁逢勝概嬾登臨
念景熟難忘情多易感取次關心平明又西去也望關
山古道馬駸駸回首當年一夢笑將濁酒重斟

又登樓觀稼作

無言凭燕几愛香裊博山鑪正暖日輝輝晴雲淡淡千
里平蕪田家盡收刈了見牛羊下壠暝煙孤聞說豐年
景致老農擊壤嗚嗚狂夫素乏良圖從上策賦歸歟

有千畝松筠三洲風月儘遂吾初憑誰去西塞岸問玄
眞此意果何如寂寞無人共樂醉鄉是我華胥

又思舊事有作

對軒轅古鏡照華髮短刁騷念壯歲心情平生志氣可
笑徒勞雲中謾誇魏尙請休論定遠說班超總是黃梁
一夢怎如塵外逍遙蠻徭洞入雲霄筭無分到仙曹
願歸隱閩山來臨渭水葺箇雲巢樓居其眞仙伴侶又
有時混迹入漁樵且恁隨緣玩世帝鄉路覺迢迢

又

朝天門外路路坦坦走瑤京悔年少狂圖爭名遠宦爲
米孤征星星半凋鬢髮事千端回首只堪驚居士新來

悟也渭川小隱初成
臨清巧剏幽亭眞富貴
享安榮有猿鳥清謳
松篁森衛檜柏雙旌
蛙鳴自然鼓吹粲林
華前後錦圍屏須信
早朝雞唱未如夜枕
灘聲

又看春有感

平生花恨少又那得
酒中愁自禪板停參
蒲團悟罷身世忘憂
南柯舊時太守盡當
年富貴卽時休莫羨
癡兒小子心心念念
封侯優游取次凝眸
春浩浩思悠悠愛萬
木欣榮幽泉流注好
鳥句舟感生生自然
造化玩吾心此外復
何求應有知音共賞
定當一語相投

柳梢青

葉下雲行亭皋風靜
涼雨絲絲斷雁孤鳴
寒蛩相應寂

寂書幃 蒲團紙帳蘭臺夢不到邯鄲便回蟻穴榮華
人閒功業都惱人懷

鷓鴣天城南書院餞別張南軒赴闕奏事知嚴州

竹樹蕭蕭屋數椽平湖漫漫納通川有時竹杖芒屨至
醉著山光水色閒 成小隱未經年功名夷路穩加鞭
逢時且數中書考他日還尋獨樂園

又

記得追游故老家紅蓮幕府在長沙放船橋口秋隨月

走馬春園夜踏花

馬氏故宮
有會春園

思往昔謾咨嗟幾番魂

夢轉天涯葵軒老子今何在岳麓風雩噪暮鴉

岳麓書
院旁有

風雩
亭

又

一夜春寒透錦幃滿庭花露起多時壘金梳子雙雙耍
鋪翠花兒裊裊垂人去後信來稀等閒屈指數歸期
門前恰限行人至喜鵲如何聖得知

又

日日樓心與畫眉鬆分蟬翅黛雲低象牙白齒雙梳子
駝骨紅紋小棹篔朝暮宴淺深杯更闌生怕下樓梯
徐娘怪我今疏嬾不及盧郎年少時

又

紙帳虛明好醉眠博山輕裊水沈煙了知世上都如夢
須信壺中別有天知我者爲君言道人有箇好因緣

丹成有日歸雲路且醉梅花作地仙

點絳脣長沙送同官先歸邵武

滿路梅花爲誰開徧春風萼短亭蕭索草草傳杯酌

送子先歸我羨遼東鶴他年約瘦藤芒屨共子同北壑

又

日月無根循環常共天難老世閒擾擾只見閒煩惱

滿酌高吟便是今生了還知道舊時官好幾箇新華表

又

一葉扁舟浮家來向江邊住這回歸去作箇漁樵侶

不挂征帆也莫搖雙艣天涯路雲山煙渚總是留人處

又

桂子飄香江南秋老霜風作自憐漂泊幾度傷離索
孤館迢迢滿引村醪酌情無著好音難託又失黃花約
又代作賀生子

瑞氣盈門神仙謫下看看到已知消耗弧矢呈祥了

種德陰功自有多男報還知道果生蓬島不比人閒早

劉夢得詩云海
中仙菓子生遲

魚游春水

林梢聽布穀郭外舒懷仍快目平田浩蕩漉漉泉鳴暗
谷香稻吐芒針棘細秀麥搖風波浪綠山童野老意親
情熟我待休官棄祿屏迹幽閒安退縮渭川千畝修
篁嶺嶺紺玉顧盼灘流縈八節呼吸湖光穿九曲貪求

白樂盡忘塵俗

霜天曉角題九里驛

曉來風作病怯春衫薄郭外溪山明秀紅塵裏自拘縛
邨酒頻斟酌野花偏綽約十載人非物是驚回首夢
初覺

虞美人詠菊

疏風擺撼芙蓉沼壠上梅英小誰家姊妹去尋芳粉面
雲鬟參雜漢宮妝 邯鄲奏罷宮中樂邂逅同杯酌老
來花酒制積齡爲愛嫣然嬌鬢鬪盈盈

又

年年冬後心情快常是留賓醉尊前笑鬢粲金鈿更有

半黃棖橘滿堆盤 人人愛道休官去總是閒言語古
今文士與賢才爲甚獨高陶令賦歸來

又月下聽琴西湖作

橫波清翦西湖水黛拂吳山翠藕絲衫子水沈香坐久
冰肌玉骨起微涼 金徽泛柳聽佳句疊疊胎仙舞曲
終松下小盤桓風露泠泠直欲便驂鸞

菩薩蠻

遙山幾疊天邊碧故教遮斷天涯客樓倚暮雲端春風
羅袖寒 與君千里別共此關山月皓月一般明君心
怎敢憑

又題蓮花庵

嶺猿嘯罷千山碧小庵虛室團團白庵在小山頭從來
少客游道人方打坐舉袖來迎我問我此來因拈花
與道人

南歌子

湛露涼亭館香風散芰荷晚來月色似金波閒綠圍紅
同伴雪兒歌年少風流足情深歡會多佳人月下拜
嫦娥不似隔年牛女望星河

八聲甘州懷渭川作

自秋來多病意無聊不作渭川游想蘭菊凋疏松筠茂
密亭館清幽四望遙山萬疊疊翠光浮人道蓬萊島
彷彿瀛洲居士心迷北磬念迂疏老嬾難覓封侯看

才能成事業且自抽頭攜老稚團樂百口要他年在此
作菟裘無言也此生心事都付東流

如夢令

花上嬌鶯啞咤著色江南圖畫可惜好春風有酒無人
同把拚捨拚捨獨醉好天良夜

又同官新得故官故姬

王謝堂前舊燕畢竟情高意遠只恐寵恩深後會不教
人見深勸深勸不枉追歡一徧

又催梅雪

梅雪漸當時候訪問全無消耗憑仗小陽春催取南枝
先到然後然後雪月交光同照

西江月爲內子壽

日日齊眉舉案年年勸酒持觥今年著意壽卿卿幼稚
縣縣可慶官冷未嘗貧賤家肥勝似功名所爲方便
合人情管取前途更永

漁家傲沅州作

長記潯陽江上宴庾公樓上凭闌徧北望淮山連楚甸
眞偉觀中原氣象依稀見漂泊江湖波浪遠依然身
在蠻溪畔愁裏不知時節換春早晚杜鵑聲裏飛花滿

又

聞道西洲梅已放幾時乘興同尋訪稚子攜壺翁策杖
徐徐往青山綠水皆堪賞滿月當空川晃晃卻呼艇

子搖雙漿幾陣濃香新醞釀波溶漾宛然身在西湖上

又

特爲梅花來渭水有人折得橫梢至粉愁香慳春意未
多應是江南信息爭先寄 水綠山青風日美此時正
愜幽人意驅使風光佳句裏 滿紙卻將舊日詩詞比
杏花天

當年悔我拋生計趁升斗蠻鄉遠地誰知事向無心起
回首邯鄲夢裏 風雪滿 風雪滿 最好處吳頭楚尾
青山本是強人意更時見梅花助美

渭川居士詞校記

蝶戀花

牆角

蓮社

原本蓮作連
吳昌綬校

浣溪沙

淺著

高唐

原本木高作南
樓傳鈔本以下改補皆據瞿本

謁金門

歌罷

香汗

原本缺

減字木蘭花

觀不足

原本缺

瑞鶴仙

人生

去勞自保

原本上三字缺

滿江紅

憶昔

家山

原本山字缺

又

雪壓

今生此願

原本下三字缺

又

慘

方認

原本認字缺

滿庭芳

障礙

原本礙字缺

瑞鷓鴣

幾時

一弓

喬木

塵表

不是

原本弓字喬木字表字是

字並缺

感皇恩

片帆

原本片字缺

鵲橋仙

今歲

不勝清

原本歲字清字並缺

木蘭花慢

對軒

平生

說班超

閩山

來臨

原本生字說字

山字來字並缺

伴侶

按二字當衍其一

又

朝天

瑤京

原本瑤作遙

又

平生

玩吾心此外復何求

原本中四字缺

柳梢青

寒蛩

原本蛩字缺

鷓鴣天

日日

白齒

更闌

原本齒字更字並缺

點絳脣

一葉

這回歸去

作箇

原本歸去字作字並缺

又

桂子

自憐

無著

好音

原本憐字無著字好音字並缺

虞美人

疏風

尋芳

宮中樂

原本尋字
樂字並缺

菩薩蠻

嶺猿

問我

原本問
字缺

南歌子

色似金波

原本
缺

如夢令

王謝

一徧

原本
缺

又

梅雪

催取

原本
催字缺

漁家傲

閩道

卻呼

原本
卻字缺

又

特為

水綠

原本
缺